

Aruba lo bai haña un Museo di Arte



ORANJESTAD- *E pintora costumbrista Arubiana, Julie Oduber a duna di conocé na Bon Dia Aruba cu pronto nos isla por conta cu un Museo di Arte. Den un conversacion cu e pintora Julie Oduber a sostené cu Minister Lili Beke y cu Parlamentaria di fraccion OLA, Noris Van Lis-Donata, a surgi e proposicion pa renobá un lugar special pa e artistanan por tin un salon permanente den e Cas Ecury. E famia Ecury --doño original di e cas-- ta coleccionistanan y amante di e bon arte." E siman aki e señora Noris Van Lis-Donata, Parlamentaria di OLA a papia cu Minister Lili Beke tocante nos idea cu nos tin un sueño ya pa 25 año. Nos ta lucha, lucha pa nos por haya un museo di Aruba. Y esaki ta un promé paso pa nos por haya eventualmente un Museo di Arte na Aruba", asina e pintora Julie Oduber a manifestá hopi emocioná na nos corant.*